



सानसेयारि **“बड'सा”** खोर्लाइयाव
खमाजयारि जिउजो लोब्बा थानाय रायथाय, खन्थाय,
खल', खल'बाथा आरौ दावबायारि थावनि, पार्क
बाइदिनि स्यायव लिन्नाय लिन्बिदां दैथाय हर्/
खान्सेयारि **“बड'सा”** खोर्लाइया खेबखानावै
फोखावजोन/
बड'सायाव लिन्हर्नायनि हुदा खालाम,
“बड'सा” खौ नोथां, जौ बयबौ आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 3 May, 2025 Kokrajhar, BTC, Assam ★ Vol.- 35, Issue No. 38 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

राजथावनि गोदान दिल्लीआव बि टि सि इग्जिकुटिभ काउन्सिलनि मोनसे गोनांथार मेल जथुम

**बड'फा उपेन्द्र नाथ ब्रह्मनि मुसुखाखौ साखोन-सिखोनै लाखिनो बिटिआर
सरकारनिफ्राय दानफ्रोमबो दिल्ली मिउनिसिपाल बर्डनो 25 रोजा रां हरगोनः प्रमद बर'**

कक्राझार, 2 मे: बिटिआरआव प्रमद बर'नि दैदेनायाव जुथाइ सरकारआ दिने गिबि खेबनि थाखाय बिटिआरनि बाइजो हादतनि राजथावनि गोदान दिल्लीआव एगजेकुटिभ काउन्सिलनि मोनसे गोनांथार मेलखौ जथुमो। मख'नो गोनांदि, गोदान दिल्लीआव थानाय कैलाश कलिनीनि बड'लेन्ड हाउसआव बेखौ लोब्बा लाखिनानै दिने बिटिआरनि गाहाइ मावफु' सोद्रोमा प्रमद बर'नि मासि



सामलायनायाव बे जथुम्माखौ खुंनय जायो। बे जथुमआव थानाय 1 मेआव जारिमिनारि सान महैर साखि दोन्नानै कैलाश कलिनी आरो लाला लाजपत (□ 6 बिलाइआव)

बड'फा उपेन्द्र नाथ ब्रह्मनि मुडै लामा बेखेवनायखौ सा-सान्जा मारवारि सनमिलनआ बरायदों

गुवाहाटी, 2 मे: नर्थ-इस्ट ओन्सोलनि मारवारि सनमिलननि आफादगिरि कैलाश काबराआ बड'फा उपेन्द्र नाथ ब्रह्मनि थैनाय सानाव राजथावनि दिल्लीआव बिथानि मुडै लामा बेखेवनाय आरो मुसुखा फसंनयखौ बरायो होन्नानै फोरमायथिहरदों। मख'नो गोनांदि, बे मुसुकाखौ

खोला दिल्लानि कैलाश कलिनिआव गायसन्नाय जादों। जायखौ मिरुनि नख'र मन्थि अमित शाहआ बेखेवनां होदों। बे बेखेवनाय हाबाफारियाव आसामनि गिबि मन्थि डो हिमन्त बिश्व शर्मा दिल्लीनि गिबि मन्थि रेखा गुप्ता, एमपि बासुरि स्वरास, बिटिआरनि गाहाइ मावफु' सोद्रोमा प्रमद

बर', दिल्लीनि मेयर राजा इकबाल सिंजों लोगोसे गोबां मेलेमजिबि सुबुफोरा बाहागो लादोंमोन। मारवारि सनमिलननि आफादगिरि कैलाश काबराआ बुंदोंदि, बड'फानि मुसुखा आरो लामानि मु' होनाया खालि बड'लेन्डनि थाखायल' नडा (□ 6 बिलाइआव)

बडाइगाव रिफाइनारिआव मे दिवसखौ लोब्बा लाखिनानै आइजोफोरनि देहा मावबादा लादों

बडाइगाव, 2 मे: बडाइगाव थाव सोदांग्रा खोन्दोआव आइजो आफाद एबा फराम फर उडमेन पब्लिक सेक्टरनि बान्जायनायाव मे दिवसखौ लोब्बा लाखिनानै थाव सोदांसालियाव कन्टेकसुयेल थाखोआव खामानि मावग्रा आइजोफोरनि थाखाय जर'खायै मोनसे देहानि मावबादा आरो सांग्रांथियारि हाबाफारिखौ खुंनय जायो। बडाइगाव रिफाइनारिनि देहा फाहामसालिनि हेफाजाबआव खुंनय बे देहा मावबादायाव आइजो खामानि मावग्राफोरो गोनांथि जानाय बादियै देहा



आन्जाद नायनाय आरो गोनांथि जानाय देहा आरो गोगो देहा लाखिनयनि सायाव गोनांथि होनायनि बागै सावरनायनयो जायो। बे हाबाफारियाव गागि आइजो आबादारि एबा इन्त्येनार

सुमित्रा मुसाहारिआ माननि आलासि महैर नुजाथिदोंमोन। आबाद बिगियान मिरु चिरांनिफ्राय आबादआरि बान्था मोन्नो हानाय मुसाहारिआ नुजाथिनानै आइजोफोरनि सिगाडव बेसेन गोसा बिबुंथि लाखिनयजों लोगोसे आइजोफोरखौ थुलुंगा होनायनि सायाव बिबुंथि लाखियो। बे

हाबाफारियावनो आलासि महैर आइजोफोरनि जर'खा फाहामगिरि डक्टर जुनमनि राभा, जेनेरेल मेनेजार रुपा ताइकान, गाहाइ मेनाजार डा: रुपम तालुकदार, सिइआरएम स्मीता त्रिभेदि आरो उडपस बिजिआरनि सोद्रोमाफोराबो बाहागो लादोंमोन। मख'नो गोनांदि, (□ 6 बिलाइआव)

1 नं बालाबारि गामिनि लाइमोन आफादआ गामिनि गुन गोनां फरायसाफोरखौ बरायदों



बड'सा थान्दै/गरेस्वर, 2 मे: तामुलपुर जिल्लानि सिडव थानाय गरेस्वरनि 1 नं बालाबारि लाइमोन आफादआ देग्लायनि मेट्रिक आरो जौसिन थाखोआव उथ्रनाय गुन गोनां फरायसाफोरखौ मोनसे मेहेर गोनां हाबाफारिनि गेजेरजों बरायदों। बे मेहेर गोनां (□ 6 बिलाइआव)

दिहिरायाव 'दैमु' मावबिथांखिनि गेजेरजों 150 मुलाम्फागिरिफोरनो गनायथि बिलाइ गथायदों

मुसलपुर, 2 मे: बाक्सा जिल्लानि सिडव थानाय 23 नं दिहिरा बि टि सि बियाब दिहिरा भि चि डि चिनि सिडव थानाय सिबुबारि ओन्सोलनि सा 150 मुलाम्फा मोनगिरिफोरनो बि टि आर सरकारनि 'दैमु' मावबिथांखि एम जि एन रेगा 2024-25 इ माइथाय रांखान्थि बोसोरनि आवथायाव गनायथि बिलाइफोर रान्नानै होदों। बे 'दैमु' मावबिथांखि गेजेरजों मुलाम्फा मोनगिरिफोरा गय फुलि गायनाय, फुखि जावनाय, मोसौ गलि, बोरमा गलि आरो अमा गलार बानायनाय मावथिफोरखौ मोन्नो हागोन। बे मावबिथांखि गेजेरजों मुलाम्फ गिरिफोरा 1 लाक 80 रोजा राडे मोन्नो हागोन। दिहिरा भि चि डि चिनि मासिगिरि अबिनास बसुमतारी नि मेल सामलाइनाय बे हाबाफारियाव बेखेवगिरि आलासि महैर बाहागो लायो 23 नं (□ 6 बिलाइआव)

फरायनायाव धोनि-गोरिबनि खोथा फैया, नाजानाय थायोब्बा जाफुंसारयो: समेशर हाजवारि



पर्वतझरा, 2 मे: देग्लायनि एइस एस जोबथा आन्जादआव सेथि मासियाव उथ्रिसार जानो हानाय बासबारि ओन्सोलनि

जलाइगाव गामिनि खुसबु बसुमतारीखौ बरायदों फन्द्रगाव इभाननथान एन.इ.एल.सि. गिर्जानि फाष्टर समेशर

हाजवारीआ। कक्राझार जिल्ला पर्वतझरा महकुमानि सिडव थानाय जलाइगाव गामिनि थागिबि जनिब बसुमतारीनि

फिसाजो थरायना खुसबु बसुमतारीखौ बरायदों फन्द्रगाव एन.इ.एल.सि. गिर्जानि फाष्टर समेशर हाजवारीनि बान्जायनायाव। देग्लायनि गोर्जोसिन गेजेरारि जोबथा आन्जादआव सेथि मासि लानानै उथ्रिसार जानो हानाय जलाइगाव गामिनि खुसबु बसुमतारीखौ दिने बिथानि न'आव थानानै आर'नाइजों दुंबुदै बरायहैदों फाष्टर समेशर हाजवारीआ। मख'नो गोनांदि, खुसबु बसुमतारीनि बिफाया गुबुन राइज्योआव खामानि मावहेनानै गावनि फिसाखौ जोबोर खस्थ'नि गेजेरजोंब्लाबो फरायहोगासिनो दं। गावनि फिसाजोनि सेथि मासि लानानै उथ्रिसार जानो हानाय खौरांखौ मोन्नानै बिफाया गोर्जोन्नयजों उस्सिफावदों। गोरिब नख'रनि फरायसुलि खुसबु बसुमतारीया कक्राझार सरकारि फरायसालिमानिफ्राय एइस.एस. जोबथा आन्जादआव 66.8 जौखोन्दो लानायजों लोगोसे एडभान्स बर'आव लेटार लाखिनो हादों। खुसबु बसुमतारीआ इयुनाव सासे आसाम पुलिस जानायनि सिमां दं होन्नानै खौरांगिरिनि मोगा-मोगियाव फोरमायदों। लोगोसे समेशर हाजवारीआ खुसबु बसुमतारीखौ थांखिनानै बुंछेदि, नौनि सिमांखौ मोखथांयाव (□ 6 बिलाइआव)

बाक्सा सालबारियाव गोरिब नख'रनि फरायसाआ 85.2 जौखोन्दो नम्बर मोन्नानै ओन्सोलाव गोग्गानाय लाबोदों



बाक्सा, 2 मे: बावैसो सान सिगां हायार सेकेन्डारि आन्जादनि फिथाइ फोसावनायाव बाक्सा जिल्लानि सासे फरायसुलाआ 85.2 जौखोन्दो मोन्नानै उथ्रिसारनाया ओन्सोलनाडैनो गोग्गानाय लाबोदों। मख'नो गोनांदि, बाक्सा जिल्लानि बेंखनाव थानाय सालबारि गामिनि गोरिब नख'रनिफ्राय फैनाय आरो बिमा-बिफाआ दिन हाजिरा मावनानै फिसाखौ खस्थयैब्लाबो फिसाखौ फोरेंबोदोंमोन। गोरिब नख'रनि फिसाज्ला नबजित बर'आ हायार सेकेन्डारिनि जोबथा आन्जादआव 85.2 जौखोन्दो नम्बर मोन्नयजों लोगोसे डिस्टिंसनबो मोन्नो हायो। बिथाड बाक्सा जिल्लानि सालबारि खोला बिजनी आदर्श बिद्विपिट हायार सेकेन्डारिनिफ्राय आन्जादखौ लिरदोंमोन। बियो इराजिआव (84), असमीया (84), पलिटिकेल साइन्सआव (87), जुग्रापिआव (87), आरो एग्रिकल्चरआव (84) नम्बर मोन्नानै फरायसालिनि मुंखौ लाखिदों। बे जाफुंसारनाया बिफा प्रदीप बर', बिमा दिपाली बर'मोनहा आरो गामिनि फरायसालिजों लोगोसे ओन्सोलनाडैनो रंजानायनि थासारि लाबोनो हादों होन्नानै मिबथिनो मोन्नय जादों। मख'नो गोनांदि, आन्जादनि सिगां नबजित बर'आ सानफ्रोमबो 2 निफ्राय 3 घन्टसिम फरायोमोन होन्नानै फोरमायथिदों। फैगौ समफोराव बिथाड आइटिआइ फरायनो गोसो होन्नानै मिबथि होबावदों □

अरांनि निशिता शर्माआ 89.8 जौखोन्दो नम्बर मोन्नानै उथ्रिसारनो हानानै ओन्सोलनाडै गोग्गानाय लाबोदों

उदालगुरि, 2 मे: आसाम सोमावसारनायनि सासे गोखों मावथि उदालगुरि जिल्लानि बेंखनाव थानाय अरांनि निसिलामारि गामिनि रुंसारि दम्बुधर शर्माआ अरांनि सुइज हाउसनि बारेन्दायाव गिबिसिन गइ दखान होनानै नख'र संसारखौ दैनबोदोंमोन। बिथानि बियादै सुरेश शर्मा आरो कुनजलता शर्मानि सासेल' आंगो फिसाजो निशिता शर्माआ बावसे सानसिगां फोसावनाय हायार सेकेन्डारि आन्जादनि फिथाइ फोसावनायाव आर्टस बिफानआव इराजि आयदायाव (85) नम्बर, असमीया (91),



इडुकेसन (94), हिस्टरी (90), पलिटिकेल साइन्स (86) आरो दान्थे-बिदान्थे आरो सान्थौ आयदायाव (84)नम्बर मोन्नानै गासै 89.8 जौखोन्दो नम्बर मोन्नानै ओन्सोलाव गोग्गानाय लाबोनो हादों। मख'नो गोनांदि, नख'रनि गोरिब थासारिजों जुजिनानैब्लाबो बिथाड गोब्राब नाजानायजों ओन्सोलाव गोग्गानाय लाबोनो हानाया ओन्सोलनि साफ्रोमबो फरायसाफोरखौ थुलुंगा खंहोदों। निशिता शर्माआ 2009 माइथायनि 11

इजराइल सान्ध्रिआव गाजायाव हरनाय गुबुन हादरयारि मददखौ होबथादौ

जेरुशालेम, 2 मे: थानाय 19 दाननिफ्रायनो इजराइलनि गाग्लोबनायजौं भुगिनांनाय गाजाआ आथिखालाव उखैहाबनाय आरो गांहाबनायनि बेखनआव गोग्लैनानै दड। इजराइल सान्ध्रिआ 2 दाननिफ्रायनो गुबुन हादरयारि मदद होबथाजानायनि उनाव गाजायाव फुड स्टर आरो कमिउनिटी किसैनआव लुथिनो जागायदौं। उखैहाबना थानांनाय सुबुंफोरा उदैनि थाखाय बायदि सिखाव-दाखाथि खालामनो ओंखारदौं। बे समावनो इउएनआ इजराइलनिसिम जाग्रा मुवाफोरनि सायाव



होबथानायखौ बोखारनो खावलायदौं आरो बुंदौं, गाजायाव सुबुंथियारि मदद जगायनायखौ होबथानानै

इ ज र ा इ ल अ ा फिलिस्ताइनीफोरखौ अनागारिये साजा होदौं। गोबाव साननिफ्रायनो सानसेआव

बोथिसेल' आदार जानानै जिउ खानाय फिलिस्ताइनीफोरनिफ्राय 24 घन्टयाव मोन्नाय बोथिसे आदारआबो गोमालांनो हमदौं।

बेनि जाहोनाव थानाय बुधबारखालि गाजायाव मोन 5 जायगाफोराव जाग्रा मुवाखौ लुथिनाय जाथाय जायो। लुथिनाय गुदामफोरनि गेजेराव इउएननि रिफिउजि केम्पनि जाग्रा मुवा दोनग्रा केम्पआबो दंफायो। गाजायाव सरकारि नडै फसंथाननि सेरिस सालायनाय अमजद अल शवाआ बुंदौंदि, जाग्रा मुवा लुथिनाया जागायनायजौं गाजानि थासारिआ बेसेबां गोब्राब बेखौ हमदांनो हायो। थौंजौं बुडोब्ला गोब्राब बेखौ हमदांनो हायो। थौंजौं बुडोब्ला बैयाव जानाय आदारनि थाखाय दावहा जागायदौं। बेराफासैं बे समाव गाजायाव इजराइल सान्ध्रिनि हा आरो अखांजौं गाग्लोबनायाबो सोलिगासिनो। बृ ह स् प ति ब ा र आ व गाग्लोबनायाव सा 12 सुबुंफोरनि जिउ गोमाबाय।

आमेरिकाआ रांखान्थि उतखारि खालामनो नाजागासिनो: इराननि गुबुन हादरयारि मावख'

गोदान दिल्ली, 2 मे: इउरपनि गुबुन हादरयारि मावख'नि बुंथिगिरि इस्माइल बाघेइआ तेहरानजौं गुबुन गुबुन आयदायाव मदद खालामनायनि गेजेरजौं इरान आरो गुबुन हादरफोरनि सुबुंफोर आरो फसंथानफोरनि सायाव गोदान आमेरिकान होबथानायखौ गोखौं रावजौं सोंखारिदौं आरो बेखौ रांखान्थियारि उतखार खालामना आमेरिकानि नाजानाय होन्नानै रोखा खौरां होदौं। बाघेइआ बृहस्पतिबारखालि मोनसे बिबुंथिआव बुंदौंदि, थानाय माखासे सानफोराव होबथानाया आमे रिका नि खान्थि लाबोग्राफोरनि आइन सिफायनाय आरो गुबुन हादरपोरनि बिबानगिरिफोर आरो हितफोरखौ सिफायनायाव नोजोर होनायजौं लोगोसे रांखान्थियायि उतखारनि




गेजेरजौं जौगाफु हादरफोरनि गेजेराव लोगोयारि-आइनारि सोमोन्दोफोरखौ हें था नाजानायनि रोखा इंगित होयो। खौरां एजेन्सि सिन्हुआनि बादिब्ला, बाघाइ आमेरिकान रांखान्थि बिफान आरो गुबुन हादरयारि बिफानआ थानाय मंगलबार आरो बुधबारआव जाबसिन्नाय होबथानायफोरनि सायाव फिन्नाय होदौंमोन। बे होबथानायफोराव इराननि सा 6 सुबुंफोर आरो इरान एबा

गुबुन हादरफोरनि मोन 13 फसंथानफोरनि सायाव इराननि पेट्रुलियाम आरो पेट्रुकेमिकेल्सनि फालांगिआव जेंना गोनाडै लोब्बा गोनां आरो इराननि इस्लामिक रिभलुसन गार्डस करनि फासैंनिफ्राय बेलिस्टिक मिसाइल लन्चिनि मुवा बायनायनि थाखाय होबथानाय जादौंमोन। बुधबारखालि आमेरिकाआ इराननि बाइजोआव थानाय गं 5 कम्पानीफोरनि सायाव होबथानाय थांखि फोसावो।

रासियानि मोनसे गिदिर अख्रांमा जाहाजआ बुहुमाव गोग्लैनाय लामायाव

क्विभ, 2 मे: सभियेट मुगानि मोनसे 55 बोसोरनि गोजाम अख्रांमा जाहाजआ बुहुमआव गोग्लैसिगोन। बेबादि थासारियाव बिगियानगिरिफोरा गोग्लैगोनखौ लानानै माखासे थुलुंगा होदौं। खौरांनि बादिब्ला, सभियेट इउनियननि बे अख्रांमा जाहाजखौ 1970 माइथायाव शुक्र ग्रहआव लेन्डि खालामनाय जादौंमोन आरो बै समनिफ्रायनो बे ग्रहआवनो दड। बबेखानि बे अख्रांमा जाहाजआ सोलि समाव गावनि सामलायथिखौ खोमाबाय। जायनि जाउनाव जौनि बुहुमआव गोग्लैफिन्नो हासिगो। खौरांनि बादिब्ला, अख्रांमाआव बेनि बायखोन्दा बाहागोखौ ट्रेक खालामनाया सिगां समनिफ्रायनो सोलिदौं,



जेराव बेनि बुहुमआव गोग्लैफिनगोनआ गोख्रैसिने जागोनखौ मिबथिनो मोन्दौं। बिगियानगिरि मेक्र लेगब्रकआ हमदांथिनाय बादिब्ला, बे जाहाजआ कैगौ 10 मेनि खाथि-खाला समआव बुहुमसिम सौफेनो हागौ। जेराव

बेनि गोख्रैथिआ घन्टासेआव 244 कि:मि: गोहोजौं बुहुमसिम कै गोन होन्ना हमदांनाय जादौं। बिगियानगिरि मेक्र आ फोरमायनाय बायदिब्ला, बे जाथायाव माखासे जेंना एबा खैफोदआ बुहुमाव सोमजिनो हागौ।

जायनि थाखाय बिथाडा अख्रांमानिफ्राय फैनाय बे जाहाजखौ बायस्नायालासेनो फिसा महराव फैयोब्ला गिनांखौ खैफोदआ बाडाइ जागोन होन्ना मिजिंथिदौं। सभियेट एस'सिएसनआ 1972 आव कचमस 482 मुंनि मोनसे अख्रांमा जाहाज लन्स खालामदौंमोन। जेराव बे मिसनआ शुक्र मिसनफोरनि गेजेराव लानाय मोनसे मिसनमोन। बबेखानि मोनसे रकेउआ फेले' जानायनि जाहोनाव बे जाहाजआ बुहुमनि कक्ष लामाखौ बारन्नो हायाखैमोन। जेराव बेनि माखासे बाहागोफोरा लन्स खालामनायनि 10 बोसोरनि गेजेरावनो गोग्लैफिन्दौंमोन।

पाकिस्तानआ रेडिअआव भारतीय मेथाइ हगारनायखौ होबथाबाय

लाहर्, 2 मे: भारतजौं जेंनाया बांसिन जानायनि गेजेरावनो पाकिस्तानआ भारतीय दँखो हगारनाय थामहिनबा टैलिकास्ट खालामनायखौ होबथाबाय। बेनि उनाव पाकिस्तानी एफएम रेडिअ स्टेसनफोरा बृहस्पतिबारखालि भारतीय मेथाइ हगारनायखौ होबथायो। पाकिस्तान ब्रडकास्टार्स एस'सिएसन (पिबिए) नि गाहाइ नेहाथारि शकिल



मासुदआ बुंदौं, पिबिएआ हादरनाडै पाकिस्तानी एफएम रेडिअ स्टेसनफोराव भारतीय मेथाइफोर हगारनायखौ गोख्रैडै बन्द खालामो। मख'जाथावदि, पाकिस्तानीफोरनि गेजेराव भारतीय मेथाइ जर'खायै लता मोंगेशकार, महम्मद रफि, किशर कुमार आरो मुकेशमोनबादि रोजाबगिरिफोरनि मेथाइखौ गोबां अन्सायो। बेफोर मेथाइखौ

बैयावनि एफएम रेडिअ स्टेसनआव सानफ्रोमबो हगारोमोन। पाकिस्ताननि खोरं फोनांजाब मन्थि अता तररआ बुंदौं, पाकिस्तानी एफएम स्टेसनफोराव भारतीय मेथाइ हगारनायखौ होबथानायजौं गावसोर खौसे बेयो रोखा जायो। पेहेलगाम उतखारि गाग्लोबनायनि उनाव भारत आरो पाकिस्ताननि गेजेराव

जेंनाया बांसिन जानायखौ नोजोर होनानै इउएनएससिनि इभेन्जेलस सेकेरिसआ बुंदौंदि, काउन्सिलआ बे आयदायाव सावरायगोन आरो खावलायोब्ला थासारिनि सायावबो थांखि लानो हागौ। लोगोसेनो आसा खालामदौंदि, न'सुंसे दरनै हादरनि गेजेराव बे जेंनाया थाबैनो सुस्त्रांजागोन।

जारिमिन

(4 बिलाइनिफ्राय) फट' स्टुदियाव लिंनानै लांबाय सानैबो आखाइ हमज्जालयनानै दिखां जाबाय। मैना मोनहा जेनिबो अभाब गैया बिफाया अफिसार आरो बिदायाबो आर्मि जानाय-लोंनाय, गान्नाय-जोमनायनि जेबो सिन्था गैया। नाथाय खोरोममोनहा मैना मोननि बायदि अबस्था नड हा दं जानो मिलायो नाथाय बाहिरा खरच दिहुननो थाखाय राहा गैबाड नखरनि फासैं सान्नानै खोरोमा साख्रि नागिरबायनानै गावनि फरायनायखौ नागरना लाबाय। मैनाया सानसे खालि खोरोमनो पन हरबाय बायदि बाथ्रा रायज्जालयबाय मिनिबाय। बिब्दिनो दिनैबो हरो गाबोनबो हरो बिसोरनि मोजां मोनज्जालयनाया बारानि सायाव बारा जाबोबाय। मैनाया जेराव नो लोगो हमनो थिनो

बेवहायनो खोरोमा लोगो हमनो थाडो सानसेबो फैमाल खालामा। सानसे खालि सिब पुजानि दिन सिब पुजायाव मैना मोनहाबो थांबाय आरो खोरोमाबो थांबाय। पुजायाव गासिबो ज लोगो मोनहैबाय मैनाया बुंबाय खोरोम थौ जोंहा सानैबो बै सिब मन्दिरखौ आखाइ खबजबनानै आरज गाबैन खोरोम थौ बिदिल्ला होन्ना सानैबो सिब मन्दिरसिम थांबाय सानैबो धुप-धुना सावनानै आखाय खबजबनानै खुलुमबाय खुलुमखानानै फैबाय। खोरोमा मैनाखौ सोंबाय स'ना नों मा होन्नानै आरज गाबनाय सना, अ आडो, खोनासं खोरोम हे इसोर बाबा सिब खोरोमानो आनि गिबि मोजां मोन्नाय जौनि मोजां मोनलायनाया अराय सम जोरनानै थाबाय थाथौं। जौनि

मोजां मोनलायनायखौ जाफुंहोथार हे इसोर बाबा सिब जाफुंहोथार हे इसोर जाफुं होथार। बिदि होन्नानै आरज गाबदौं आं खोरो, नोंलाय खोरोम सना नों जैरे बिदौं आंबो एरैनो बिदौं सना नों आनि जिउनि दाव मैना सना बिदिल्ला नों आंखौ फोथाय खेबस खालामाथ सना खालामा आदा बिदिल्ला जौनि गोथार मोजां मोनलायनायाव बै सिब मन्दिरखौ साखि दोनबाय सना जागोन आदा नों आनि जिउनि मोदाया बेफोर बायदि समायखिर। लाखांनानै लोगोफोरजौं जज बेराय खानानै जेबो नायालासिनो नआव फैनोसै समाव खोरोमा मिथाय बायनानै मैनानो होबाय पुजानिफ्राय फैनानै लामा ससेआव मैनाया नोंबो जादो न नों बायनाय मेथायखौ होन्नानै होबाय खोरोमाबो जाबाय गावसोरबो

राननानै जाबाय मेथायखौ जाखांनानै मैनाया गावनि रुमालजौं खोरोमनि मेथाय जानाय आखायखौ हुगरनो होबाय खोरोमाबो हुगराबाय हुगराखानानै मैनानो रुमालखौ हरफिनबाय। खोरोममोनहाबो नआव थांबाय मैना मोनहाबो नआव फैबाय। खोरोमा हराव उन्दु नोसै समाव मैनानि सावगारिखौ नायबाय बिनिफ्राय सबा सब सबा सब खेबब्रै खुदुमबाय खुदुमखानानै बिखायाव लानानै गोजोन खुसियै खोरोमा उन्दुलांबाय। खोरोमहा बिमा-बिफाया लांखागोन नाथाय मैनाहासो हरा आखायाव खामानि गैया दिग्रिबो गैया बेखार सेंग्रांनो हरनानै मा जानो बेनो आनि उन्दैसिन फिसाजो। बिब सानैयाबो गोसो थोनानै गामियावनो हाबा जाजोबबाय। आरो दा बे सासेखौबो आं मा बौरहाय गोरिब नखरआव बिलाइ हरनो बे जेब्लाबो जानो हाया थेवबो मैनाया खोरोमखौ मोजां मोनो मैनाया खोरोमखौ मोजां मोनो थिगानो नाथाय मैनानि गोसोआ गोथार (गोथौ) नड। मानोना बियो खोरोमखौ मोजां मोनदौंब्लाबो दिनैसिमबो बियो खोरोमनि सिगाडाव थार खोथाखौनो बुंफेराखै। मैनाया खोरोमखौ थेनसनआवल' दोननो नागिरो गुबुन खोथाखौ बुंनानै। ओजोंहाय खोरोम मैनानि फंसेबो बाथ्राखौनो नंखाय साना। मैनाया जेखौ बुडो खोरोमा बेखौनो गनायनानै लायो। जैरहाय समाबो नेनानै थाया मानसिनि बैसोआबो थाबाय थाया समजौं लोगोसेनो मानसिनि बैसोआबो थांफायो, थिग बेफोर बायदिनो मानसिनि साननायाबो मोनसेयैनो थाबाय थाया समजौं लोगोसेनो मानसिनि

साननायाबो गुबुन गुबुन जालांबाय थायो। बेफोर बायदिनो मैनानि गोसोआ दिनै एसे गाबोन एसे सोलाय लांबाय थाबाय। मैनानि गोसोआबो एसेल' नड गोरिब गुन्द्राखौ मुगैग्रासो। मैनाया गामियावबो मोजां मोन्नाय दंखा बावयो। गामिनि मोजां मोन्नायनि नामा निपन निपननि बिफाया हायार सेकेण्डारिनि मास्तार नआबो आसाम टायेबनि आरो निपननि साख्रिआबो जाबोगासिनो दं। निपनआबो दिग्रि गैया नाथाय बिफायानो निपननि साख्रिखौ खालामनानै होबाय। निपननाबो मैनाखौ मोजां मोनो आरो मैनायाबो निपनखौ थैनोबायदिसो मोजां मोनो। मैनानि साननाया निपननि फासैं बांसिन थाग्रा जाबाय। बेलासि बेलासियाव सानैबो लोगो हमज्जालयबाय थायो, मोजां मोन्नायनि बाथ्रा रायज्जालयो, निपना मैनाखौ खोरोमखौ मोजां मोनो होन्नानै मिथि खागौ थेवबो निपना मैनाखौ मोजां मोनो। मानोना मैनाया निपननो रियेल खोथा होयो गोदै-गोदै रावजौं बरायबाय थायो बेनि बेबायदि दाव मैनानि गारांजौं गोदै राव होबाय थायोब्ला बिखौ सोर मोजां मोना जानो। सानसे खालि बिसोरो निपन आरो मैना सानैबो खंखाबारि पारगाव बेरायनो थांबाय। फांसे बिफांनि सायखुमुमाव जिरायनानै, निपना बुंबाय मैना नोंखौ आं माब्ला जुलिलानो हागोन जिउआव नोंखौलानानै नोंखौल' आं सानफलांबाय थायो, स'ना आंबोथ' बिदिनो सानो आदा, माब्लाबा आं नोंखौ सानै सानैनो जानाय-लोंनाय थिग गैया फरायनो लुबैया आरो हराव उन्दुब्लाबो निनानो थाड नोंखौनो

सानै नौनि थाखायनो माब्लाबा आं खुसि जायो माब्लाबा आं मेगनाव मोदै लायो। निपना मैनाखौ खेबसे खुदुमनानै बुडो, जारौ मैना आं नोंखौ थाबैनो जुलि लागोन स'ना नों आनि खोनथाल' दाबावगार आं नोंनो साख्रिनि फासैं दरमा मोनब्लानो मबाइल बायनानै हरगोन स'ना नों आंखौल' दाबाव आनि अनगा गुबुनजौं जुलि जायोब्ला नौनि खाफालनि सिन्दुरखौ आं खोमोरनानै होगोन स'ना आरो आंबो बे बुहुमाव थानानै थाया स'ना, मैनाया बुंबाय नोंनो आनि फासैं आरो लास मोजां मोन्नाय आदा नोंजौं जुलि जानो मोनाब्ला आंबो बे बुहुमाव थानानै थाया आदा। बिबायदि रायज्जालय खोनानै बिसोरो सानैबो नआव फैबाय ओजोंहाय मैनाया खोरोमखौ एसे एसे बावगारनो हमबाय माब्लाबा फनजौं रायज्जालय हरो खोरोम आंखो बाबानि लोगो ककराझर बिजनीनि साखि आवला नायनो फैदौं आरो बबावबा आदानि लोगो खुंथा मारिनि नायनो फैदौं होन्नानै खोरोमनि सिगाडाव बुंहरो। बे खोथाखौ खोरोमा थार सान्नानै आं मैनाखौ मोनमारनाय नंला सान्नानै खोरोमा ओंखाम-जाया दै-लोड थायो हाजसे दुखु जायो खोरोमा दै गब गब हांमा सूरै सूरै गावबाय बायो बिमा-बिफा बिदा-फंवायनि फंसेबो बाथ्राफोरखौनो

खोनासंलिया खालि मैनानि बाथ्राखौल' सानबाय थाग्रा जाबाय खोरोमा नाथाय मैनाया खोरोमनि फारसे जेबोखौनो साना खोरोमनि सिगाडाव बुंनाय बाथ्राफोरा नंखायसो, मानोना मैनाया बिखौ बोरै हाय हागौ गारनोसो साख्रिनि फासैं दरमा मोनब्लानो मबाइल बायनानै हरगोन स'ना नों आंखौल' दाबाव आनि अनगा गुबुनजौं जुलि जायोब्ला नौनि खाफालनि सिन्दुरखौ आं खोमोरनानै होगोन स'ना आरो आंबो बे बुहुमाव थानानै थाया स'ना, मैनाया बुंबाय नोंनो आनि फासैं आरो लास मोजां मोन्नाय आदा नोंजौं जुलि जानो मोनाब्ला आंबो बे बुहुमाव थानानै थाया आदा। बिबायदि रायज्जालय खोनानै बिसोरो सानैबो नआव फैबाय ओजोंहाय मैनाया खोरोमखौ एसे एसे बावगारनो हमबाय माब्लाबा फनजौं रायज्जालय हरो खोरोम आंखो बाबानि लोगो ककराझर बिजनीनि साखि आवला नायनो फैदौं आरो बबावबा आदानि लोगो खुंथा मारिनि नायनो फैदौं होन्नानै खोरोमनि सिगाडाव बुंहरो। बे खोथाखौ खोरोमा थार सान्नानै आं मैनाखौ मोनमारनाय नंला सान्नानै खोरोमा ओंखाम-जाया दै-लोड थायो हाजसे दुखु जायो खोरोमा दै गब गब हांमा सूरै सूरै गावबाय बायो बिमा-बिफा बिदा-फंवायनि फंसेबो बाथ्राफोरखौनो

होनानै साख्रि नागिरबाबो मोनैलाय बिमायजौं थांफाबाय बियो हायद्राबादाव हाजिरा मावनो। हायद्राबादाव थानाय समावनो खोरोमा गोसोखौनो बुरखायनो हालिया मैनाखौल' सिमां-मोगथां जाखां फैनाय बायदि नुबाय थायो। मैनानि सावगारिखौ नायै नायै सानो जौं सानैबो सिब मन्दिरखौ साखि दोननानै मोजां मोन्दौंमोन दिनै बेफोर मा जालांखो, जौनि समायखिरा लानाया बहा थांखो हे इसोर बहा थांखो। मोजां मोन्दौंमोन आं नोंखौ गोसो मोदोम जिउ होसारनानै गोथार गोसोजौं, नोंलाय आंखौ मानो थौले गोसोजौं मोजां मोन्नानै आंखौ मानो फागला खालामलांखो आनि खौसे थानाय मेलेमखौ नों मानो जुजाय सारनानै होखो। नाला आनो मोजां मोन्नाय हिन्जावखौ खाफलाव गैयाब्ला हाजार मोजां मोनब्लाबो मोना। खोरोमा जौजौनो जौ गोजोमनानै थाग्रा जाबाय जौआनो बिनि जिउ, जौआनो बिनि ओंखाम जौआनो बिनि हर आरो सान। बेनि बेफोर बायदिखौ नुनानै बिमायाबो दुखु मोनफायो आरो बिखौ बावहाय दोनबाय थायोब्ला मोजां जानाय नड सानानै नआव दोनफैयो खोरोमा आवगायनि बायदि नंला दा बियो हिन्जावनि फागला जानानैसो थाबाय।

No. DOE/BTC/SOPD/Tender/30/2024-25/01
PRESS NOTICE
(e-Procurement)
The Director of Education, BTC, Kokrajhar invites bids on behalf of Governor of Assam for 1 (one) nos. of work under Kokrajhar District amounting Rs. 1,34,30,435.11 (Rupees One Crore Thirty Four Lakh Thirty Thousand Four Hundred Thirty Five and Paissa Eleven) only from registered contractors of Class-I (A, B & C) category of Assam PWD (Building), BTC.
Details may be seen at website <http://assamtenders.gov.in> and also in the office of the undersigned during office hours.
Sd/-
Director, Education,
BTC, Kokrajhar
IPR(BTC)/C/2025-26/243

No. FA/TR/Tender/APFBC/2025-26/675
Tender No. FA/TR/01 of 2025-26
PRESS NOTICE
The Field Director, Manas Tiger Reserve invites bids under Agence Frangaise de Developpement (AFD) financed "Assam Project on Forest and Biodiversity Conservation (Phase-II)" from eligible Contractors registered with Public Works Department (Building), Assam/BTC in the category of Class-I (A, B & C) and Class-II for the work "Construction of Veterinary Hospital Cum Administrative Office and Disease Diagnostic Laboratory at Manas Tiger Reserve" for the year 2025-26 for an amount of Rs. 2,50,00,000.00 (Rupees Two Crore Fifty Lakh) only.
Details may be seen at website <http://assamtenders.gov.in> and also in the Office of the undersigned during office hours.
Sd/- Field Director,
Manas Tiger Reserve,
Barpeta Road
IPR(BTC)/C/2025-26/246

माहाम देहानि राहा

फाभा बिन्सआ गोबां सुफुंसार आदारजों बुंफबनाय

फाभा बिनखौ ब्रड बिन एबा बाकल्स मुंजों मिबथिनाय जायो, जेराव बेयो जौनि देहानि थाखाय गोबां मुलाम्फा होनो हागौ। मानोना बे बिनआव प्रटिन, फाइबार, मेगानिस, कपार, पलेट आरो आरो एन्टिअक्सिडेन्टनि बिबांगौ गोबां मोन्नाय जायो। बे बिनखौ रुनानै एबा संनानै जानो हायो। बेनि अनगायै फाभा बिनखौ सालाद, मैंग एबा सुपआव गलायनानैबो जानो हायो। बेयाव मोन्नाय थादेरसाफोरा जौनि हार आरो मासल्सनि थाखाय गोबां मुलाम्फा गोनां। जरयाव सानाय जॅनानिफ्राय रेहाय मोन्नायावबो बेयो मुलाम्फा गोनां। बे बिनआव गोबां बिबांनि फाइबार मोनो जेराव उदैनि



जॅनाफोरनिफ्रायबो गोबां रेहाय मोन्नो हायो। बे बिनआव थानाय थादेरसाफोरआ जौनि मेटाबलिजमखौ गोखों खालामो। जेराव जौनि लिस्थाइ खमायनाया गोरलै जायो आरो देहायाव उफ़। मेजेम सोमजिनायखौ फोजोबस्त्राडो। बेबादि थासारियाव बेखौ सानफ्रोमबो डाइट प्लानआव

सोफानो हायो। सावस्त्रि जर'खागिरिफोरनि बादिल्ला, फाभा बिनखौ बाहायनानै कलेस्ट्रूलनि जॅनानिफ्रायबो रेहाय मोनो जाउनाव जौनि बिखानि हाबा मावनाया साबसिन जायो। बेबादि मुलाम्फानि थाखाय बे बिनखौ थि बिबाडव आरो थि डाइट प्लानआव सोफानानै बाहायनांगौ।

देखोगिरि सनु निगमनि मोनसे कन्सार्टआ सावरायजानायनि जाहोन जादों

बलिउडनि मुंदांखा देखोगिरि सनु निगमनि मोनसे कन्सार्टआ बावैसो सिगां सावरायजानायनि जाहोन जादों। अदेबानि बिथाडा बेंगालुरुनि सान्जा पौइन्ट कलेजआव पारफर्म खालामगासिनो दडमोन, बे समावनो सासे छात्रआ बिथांखौ गोरयै कन्नड़आव मेथाइ रोजाबनो थाखाय बुंदोंमोन, जायनि जाहोनाव सनु निगमआ गेजेरवनो दिन्थिफुं'नायखौ दोन्थ 'नानै नायगिरिफोरजों राव आरो राइजोनि सुबुंफोरनि फासैं गावनि मोजां मोन्नायखौ फोरमायो। सनु निगमआबो फरायसाफोरनि प्रटेस्टखौ पेहेलगामनि गाग्लोबनायजों सरजाबदों, जायनि भिडिअआ ससेल मिडियाआव भाइरेल जागासिनो



दडआरो अन्सायगिरिफोरखौबो रिएक्सन होनाय नुनो मोन्दों। भाइरेल जानाय भिडिअआव सनु निगमखौ बुंनाय नुदोंदि, आंनि केरियारआव आं गोबां रावफोराव मेथाइ रोजाबदों, नाथाय आनि साबसिन मेथाइ

रोजाबनाया कन्नड़ रावआव रोजाबदों। जेब्ला आं नोंथांमोननि सहरआव फैयो अब्ला आं गोबां लाख'हायै अन्नाय लानानै फैयो। जों माखासे जायगाफोराव माखासे

जेब्लानो जों कर्नाटकआव स्व खालामनो थाडो अब्ला नोंथांमोननि थाखाय गोबां सन्मान लानानै फैयो। नोंथांमोनहा आंखौ गावसिनि नख'रनि सुबुं बादि गनायदों, नाथाय आंखौ कन्नड़ रावआव

फावखुंग्रि हानिया आमिरआ गावनि भाइरेल जानाय पस्टखौ लानानै रिएक्सन होदों



पेहेलगामआव उतखारि गाग्लोबनायनि उनाव भारतआव पाकिस्ताननि ड्रामा आरो सेलेब्सफोरखौ बेन खालामनाय जादों। माखासे पाकिस्ताननि स्टारफोरनि इनस्टग्राम एकाउन्टखौ भारतआव ब्लक खालामनाय जादों, जेराव हानिया आमिरनि मुडबो दंफायो। हानिया आमिरहा भारतआव गोबां फेन-फलइं दड। अदेबानि पेहेलगामआव गाग्लोबनायनि उनाव हादरआव बिथानि इनस्टग्रामआ ब्लक जानानै दड। इनस्टग्राम ब्लक जानायनि उनाव मोनसे पस्टआ भाइरेल जाबाय थादोंमोन, जेराव दाबि देखानाय जादोंमोनदि, हानिया आमिरआ गाहाइ मन्थि नरेन्द्र मदिनि थाखाय मोनसे पस्ट शेयार खालामदों। बबेखानि हानिया आमिरआ दा गाहाइ मन्थि नरेन्द्र

मदिखौ ब्लक खालामनायखौ बोखारनो खावलायनायनि भाइरेल पस्टआव रिएक्सन होदों। सुलुंनि बादिल्ला, हानियाआ गावनि भाइरेल पस्टखौ लानानै बुडेंदि, बावैसो सिगां आंनि मुंजों मोनसे फिनजाथाय होनायखौ गात्रि रोखोमै दिन्थिनाय जादों आरो बेखौ ससेल मिडियाआव गोसार होगासिनो दड। आं मिथि होनो लुबैदोंदि, आं बे फिनजाथायखौ होयाखै आरो आं आंजों सरजाबजानाय सोदोबफोरखौ गनायनो हाया। बेयो गासैंबो नंखाय आरो बेखौ गात्रि रोखोमै दिन्थिनाय जादों, जे आं सोर आरो आं मा गनायो। पाकिस्तानी फावखुंग्रिआ आरोबाव बुडेंदि, बिब्दि बुंनाय जायोदि, बेयो मोनसे जोबोद सेनसेटिभ आरो दुखुं'नांथाव सम। बावैसो सिगां जाथायाव दाय गैयै सुबुंफोरनि जिउ गोमानाय आरो गोहोम गोग्लैनाय सुबुंफोरनि नख'रनि फासैं बांनि गोथौ दुखु मोन्नायखौ आं फोरमायनो सानो। बिब्दि समाव मोन्दांथिफोरखौ जौनि थांखिनि सायाव गोहोम गोग्लैहोनाया गोर्लै, नाथाय जों बयबो गोसोआव लानांगौ। जेबो फोरमान गैया लासे दाय फोनांनाया खालि बोखावनायनि हाबाखौ बांहोयो। पाकिस्ताननि फावखुंग्रिनि मुंजों मोनसे पस्टआ ससेल मिडियाआव गात्रि रोखोमै भाइरेल जाबाय थादोंमोन, जेराव बुंनाय दडमोनदि, काश्मीरआव जेनेरेल आसिम मुनिरनि आखुफोरनि जाहोनावनो गासैं पाकिस्ताननि एन्टारटेनमेन्ट मुलुगखौ भारतआव बेन खालामनाय जादों।

देखोगिरि जिल सबुलेआ 66 बोसोर बैसोआव जोबथा हां बोबाय

मिउमिजक इन्डास्ट्रीआव गावनि गारांजों बोदोर खालामनो हानाय मुंदांखा देखोगिरि आरो मेथाइ लिरीगिरि जिल सबुलेआ आधिखालाव बे बुहुमआव गैलिया। 66 बोसोरनि बैसोआव जिलआ बृहस्पतिबारखालि जिउ गोमाबाया। बिथाडा 90 थि जौथायनि मुंदांखा देखोगिरिमोन,

जाय गावनि मेथाइ आइ क्रिस्ट ए गार्ल जों सिनायथि मोन्दोंमोन। जिल सबुलेआ हलिउडनि सासे मुंदांखा देंकोगिरिमोन जायनि गारांनि जाडुआ हादरनाडै सोलियोमोन। शुक्रबारखालि बिथाडा फिन खेबसेबाव गावनि हमटउनआव गावनि मेथाइफोरजों गलिहोनो गोनांमोन, नाथाय बेनि सिगांनो

मोनसे गात्रि जाब्रथाय जायो, जेराव बितांनि जिउआ गोमाबाय। सुलुंनि बादिल्ला, बृहस्पतिबारखालि मिनेसटनि गंसे न'आव अर नांनायजों देंखोगिरिनि जिउआ गोमायो। जिल सबुलेनि मेनेजार जन पटॉरनि जिउ गोमायो। जिन सबुलेनि मेनेजार जन पटॉरआ मिनेसटा स्टार ट्रिब्युननो होनाय



रेड-2, हिट-3 आरो रेट् सावथुनआ सानेयावनो जयै रिलिज जानानै मौजां अपेनिं लानो हादों

बक्स अफिसआव सप्ताह खुनफ्रोमबो गोदान सावथुनफोर रिलिज जायो आरो बेनि सायाव मिजिंथिनाय जायोदि, बेयो मौजाडै नो दिन्थिफुं'गोन, गोबां रां आरजिगोन आरो मेकासंफोरनि सायाव रनि अखा हागोन। नाथाय जेबादि आसा एबा मिजिं खालामो बे बायदि जेब्लायबो जाया। माखासे सावथुनफोरनि बाजेटआ ओरैबादि गिदिर जायोदि, मौजाडै जागायनायनि उनावबो गोनांथि बादिदैय रिक्भारि जानो हाया आरो आधिखालाव इन्डास्ट्रिआव बेसेन गोसो सावथुनफोर बानायनायनि सम सफैबाय। बे सप्ताहआव सिनेमाहलफोराव साथाम सुपारस्टारनि सावथुनआ रिलिज जादों। हिन्दी सिनेमाखौ अजय देबगाननि रेड-2 सावथुनआ दैदेनदों। अदेबानि साउथ सिनेमानिफ्राय मोननै पेन



इन्डिया सावथुनफोरखौबो रिलिज खालामनाय जादों। बेव नानिनि 'हिट-3' आर सुर्यानि 'रेट्र' सावथुनाबो दंफायो। मोनथामनि गेजेराव सुर्यानि 'रेट्र' सावथुनआ गिबिसिनाव दं। रेड-2 सावथुनखौ गिबि सानाव बक्स अफिसआव मौजाडै दिन्थिफुंगोन होन्ना मिजिं दंमोन आरो बिबदिनो मिजिं थिनाय बायदिनो जाफुंसारदोंबो। रेड-

2 नि गिबि साननि बक्स अफिस कालेक्सन आरो अक्युपेन्सि मोननैबो सोराडव फै'बाय। रेड-2आ गिबि सानआव भारतआव गासैं 18.25 कौटि रं आरजिदों। बृहस्पतिबार

1 2025 आव बे सावथुननि गासैं हिन्दी अक्युपेन्सिआ 34.36 जौखोन्दोमोन। हिट दा थर्ड केस' आबो मिजिं थिनाय बायदिनो जाफुं'नायखौ नुनो मोन्दों। बक्स अफिसआव गिबि

मुलुगनि धोनिसिन फावखुंगुरफोरनि फारिलाइआव शाहरुख खानआ ब्रैथि सारिआव जायगा आवग्रिदों

सोर फावगिरिनाव बेसेबां रं दड? सोरनाव बेसेबां गारिफोर दड आरो न'-बांफोर दड? गाव गावनि मोजां मोन्नाय सुपारस्टारनि नेटवर्थआ बेसेबां? माखासे बिब्दिनो सोंथिफोरा अन्सायगिरिफोरनि खर'आव जेब्लाबो फैयो जानांगौ। उनाव सावथुननि जोंथि-माथि आरो फावगिरिफोरनि रिकिउटेसनआ जेब्लाबो अन्सायगिरिफोरनि नोजोरखौ बोयो। नाथाय माखासे स्टारफोरा सावथुननि थाखायल' नडा, गावसिनि बिहोमा होनायनि जाहोनावबो आरबफोरनि बिगोमा जानो हाबाय। एसक्वायरनि 2025 नि मुलुगनि सा 10 बयनिखुइ धोनिसिन फावखुंगुरफोरनि फारिलाइआव बलिउडनि बादशाह शाहरुख खानआ ब्रैथि सारिआव जायगा आवग्रिनो हादों। बिथांहा गासैं 876.5 मिलियन डलारनि सम्पति दड, जाय बिथां'खौ हलिउडनि माखासे मुंदांखाफोरनिफ्राय सिगांसिनआव लानानै थाडो।



एसक्वायरनि फारिलाइआव आर्नल्डआ गिबि जायगा आवग्रिनो हादों, जायहा 1.49 बिलियन डलार सम्पति दड। बिथाडा टार्मिनेटर बायदि सावथुनफोरनि थाखायल' मुंदांखा नडा, अदेबानि रियल एस्टेट आरो फार्मआव इन्भेस्ट खालामनायनि पार्टनारसिपनि जाहोनावबो बिथांनि सम्पतिआव गोबां मुलाम्फा जादों। नैथि जायगायाव आवग्रिदों डभेन दा रक जन्सन, जायगा 1.19 बिलियन डलारनि सम्पति दड। थामथिआव दड टम क्रूज, जायहा 891 मिलियन डलारनि सम्पति दड। मिसन इम्पजिबल आरो टप गान

बायदि सावथुनफोरा बिथांखौ हलिउडनि देरसिन फावगिरि बानायदों। शाहरुख खान जायखौ किं खान मुंजोंबो मिथिनाय जायो, बिथाडा पठान आरो जवान बायदि सावथुनफोरजों लोगोसे 2023 आव बक्स अफिसआव दोहौ सोमजिहोनो हादोंमोन। बिथांनि रां आर्जिनायनि खावसे बाहागोआनो गावनि प्रडाक्सन कम्पानी रेड चिलीज एन्टारटेनमेन्ट, कलकाटा नाइट राइडर्सनि क्रिकेट टीम आरो माखासे इन्भेस्ट खालामनाय फालांगिनिफ्राय फैयो। बाथिआव जर्ज क्लुनि आरो दथिआव रबार्ट डि निर'आ दड।

आल्लु अर्जुनआ पल्लु शट सीन शूट खालामनायनि इसिडारि सल 'खौ शेयार खालामदों

पुष्पा 2 सावथुनआ बक्स अफिसआव दोहौ सोमजिहोदोंमोन आरो भारतीय सावथुन जारिमिननि मोनफ्रोम थाखानाय रेकर्डखौ सिफायदों। मोनफ्रोम सप्ताहआव जे'नाफोरजों बे'खनजादों, अब्लाबो बेनि अन्जिमाआ गोदान थाखोआव सौहैबाय थादों। इन्डास्ट्री ट्रेकार सेकनिलकनि बादिल्ला, सावथुनआ हादरनाडै 1,234.1 कौटि रं आर्जिदों। एक्सनजों बुंफबनाय सिक्वेलनि माखासे साबसिन नुथायफोरनि मादाव मोनसे आल्लु अर्जुननि पल्लु शटआ भाइरेल जादों आरो फावखुंगुरआ बावैसो सिगां बे



नुथायखौ शूट खालामनायनि इसिडारि सल 'खौ शेयार खालामदों। बेम्स 2025 सामिटआव आल्लु अर्जुनआ गावनि केरियारनि आलादा-आलादा फेजफोरनि सायाव बाश्चा सावरायदों जेराव बिथांनि दासिमनि बयनिखुइ जाफुंसारसिन्नाय सावथुन पुष्पा

2 आबो दंफायो। बिथाडा अन्सायगिरिफोरनि मोजां मोन्नाय पल्लु शटनि सायाव बाश्चा सावरायदों आरो बेखौ खालामनायनि गेजेरजों सेलेन्जफोर नुजाथिनायनि सोमोन्दैबो सावरायदों। आल्लु अर्जुनआ बुंदोंदि, बे ट्रेलारआव मोनसे शट दडमोन आरो बेयो

पुष्पा 2 नि गिबि टिजारफोरनि गेजेरावबो मोनसेमोन। आं मिथियामोनदि, साबसे सुबुंफोर बेखौ नायदों। जों बेखौ शूट खालामनो साबसे सुबुंफोर बेखौ नायदों। जों बेखौ शूट खालामनो जागायदों आरो बेयो मोनसे जोबोद खस्थ' शटमोन, बेयाव 70 निफ्राय 80 सो टेक नांदों। जों फु डाव 8.30 रिगासोआव जागायदोंमोन आरो खमैबो 11 रिगासोआवसो आं बेखौ बुजिनो हादों। गमामायैनो सान्जीफुनि 2.30 रिगासोआवसो जों बै शटखौ मोन्दों जायखौ जौनो गोनांथिमोन। बिथाडा बुंदोंदि, बिथांनाव गासैंबो नम्बर आरो सोदोबफोरा जोबजोब्बायमोन, बेनिखायनो आं प्रडाक्सन क्रुखौ बुंदोंमोनदि, बेखौ बन्द खालामदो आरो जोबथा टेरआ मौजाडैनो जागोन होन्ना बुंदोंमोन। जों बेखौ जेब्लासिम जाया अब्लासिम खालामबाय थागोन। सुकुमारनि बिथोन होनायाव बानायजानाय पुष्पा 2 सावथुनआव रश्मिका मन्दना आर्ो फाहाद फासिलआबो गाहाइ फावआव दडमोन।

डेस्क एवार्डनि थाखाय नमिनेट खालामनाय जादोंमोन। बिथाडा आइ क्रिस्ट ए गार्ल, क्लुलेस आरो सुपार मडेलनिफ्राय बांसिने सिनायथि जादोंमोन। बिथाडा 1990 आव गावनि गिबि एल्बाम थिंग्स हियार आर डिफरेन्सखौ दिहुन्दों आरो उनाव बिथाडा माल्ताबाबो उन फासैं गिदिनानै नायर फिनाखै।

भारतनि फुटबल हान्जाया फिफा हरिमायारि लोगोआरि मेचआव थाइलेन्डजों बादायनो साखा-फारा

गोदान दिल्ली, 2 मे: अल इन्डिया फुटबल फेडरेशनआ फोसावनाय बादिल्ला, भारतनि हौवाफोरनि फुटबल हान्जाया गोजौ रेंकिनि थाइलेन्डनि हान्जाजों फैगौ 4 जुनखालि थाइलेन्डनि पातुमतानीआव थानाय ताम्मासात स्टेडियमआव हरिमायारि लोगोआरि मेचआव बादायलायगोन। जेराव बे लोगोआरि मेचआ मनल' मार्कासनि हान्जानि थाखाय जानो गोनां एएफसि एसियान काप 2027 नि गुप-सि क्वालिफिकेशनआव हंकेनि हेंथायै बादायनो गोनां मेचनि थाखाय थियारिनि मोनसे बादायनाय जागोन। जेराव



हंकेनि हेंथायै भारतआ एसियान काप क्वालिफिकेशनआव 10 जुनखालि चीनआव बादायगोन। मख 'नाय जायोदि, भारतनि थाखाय थाइलेन्डनि हेंथायै

देरहानांगौआ गोरलै जानाय नड। मानोना 127थि फिफा रेंकिआव जायगा मोन्नाय भारतआ 99 रेंकिनि थाइलेन्डजों गोख्रों सेलेन्ज मोन्नो हागौ। भारत-

थाइलेन्डनि हान्जाया दासिमाव खेब 26 मेच बादायलायनो मोनबाय, जेराव ब्लु टाइगासनि हान्जाया खेब 7 मेचआवल' देरहादों। जेराव थाइलेन्डआ खेब

12 मेचआव देरहादों आरो गुबुन खेब 7 मेचआ ड्र'आव थुगेदों। भारतआ गावसोरनि थियारिआरि बादारखौ कलकाताआव फैगौ 18 मेखालि जागायगोन, जेराव फिफा इन्टरनेसनेल उइन्ड'नि थाखाय बै मेचआ जर'खा जागोन आरो बेनि उनाव थाइलेन्डसिम दावबायनायखौ 29 मेखालि जागायगोन। बेनिफ्राय भारतनि हान्जाया थोंजोडै हंकेसिम दावबायगोन। बांलादेश आरो शिंगाफुआबो गुप-सिआव जायगा मोन्दों। जेराव भारतआ बैफोर हान्जानि हेंथायै बांद्राय सेलेन्ज मोन्नाय नड।

चइगाव एफसिआ प्रिमियर लीगआव जरहाट टाउन क्लाबखौ फेजेन्दों

गुवाहाटी, 2 मे: मिर्जाआव खुं जानाय आसाम प्रिमियर लीगआव चइगाव एफसिनि हान्जाया गोख्रोडै दिन्थिफुंनो हानायजों गोब्राब सेलेन्जनि मेचआव जरहाट टाउन क्लाबखौ 1-0 गलआव फेजेन्नो हादों। जेराव देरहानाय हान्जानि जानानै गरसेल' गलखौ सुभम चेन्त्रिआ 67थि मिनिटआव सोनो हादों। बे मेचनि गिबि हाफआव मोननैबो हान्जाया डिफेन्सआव गोख्रोडै दिन्थिफुंनो, जायनि जाउनाव मोननैबो हान्जाया बे समाव गल सोलायनायाव फेलें



जादों। बे साननिनो गुबुन मोनसे मेचआव शिबसागरनि हालुवाति इउनाइटेडआ गोख्रोडै दिन्थिफुनायजों हक फुटबल एकाडेमिखौ 4-0 गलआव फेजेन्नो हादों। बे मेचआव देरहानाय हान्जानि जानानै रहित

ताइगाम, मायुक गाँ, हाउकलेन किभजेन आरो पावतिन सेमआ गरसैयै गल सोदों। देरहानाय हान्जा हालुवातिनि गोब्राबै गालोबनाया बे समाव जेन्नाय हान्जाया गावसोरनि डिफेन्सखौ सामलायनायाव फेलें जादों।

किशर जेनानि एनसि क्लासिकआव बाहागो जागोनआ रोखा जाबाय

गोदान दिल्ली, 2 मे: एसियान गेम्सनि सिल्भार मेडेलिस्ट जेभलिन खुबैग्रा किशर जेनाआ नैथि भारतनि जानसिन जेभलिन खुबैगिरि महरै निरज चप्रा क्लासिक 2025 जेभलिन टू सेम्पियनसिपआव बाहागो लागोनआ रोखा जाबाय। जेराव बे सेम्पियनसिपआ फैगौ 24 मे खालि बेंगालुरुआव खुंजागोन। बेनि सायाव सेम्पियनसिपखौ बान्जायग्रा आफादआ सशेल मिडियानि गेजेरजों भारतनि 87 मिटारनि



बांसिन जान्थाइ खुबैग्रा जेनानि बाहागो जागोनखौ रोखा खालामदों। मख 'नाय जायोदि, जेनाआ एसियान गेम्स 2022 आव सिल्भार मेडेल देरहानायनि

अनगायै 2023 नि वर्ल्ड सेम्पियनसिपआव 5थि मासियाव थानो हादोंमोन। गनै अलिम्पिक मेडेल देरहानाय आरो वर्ल्ड सेम्पियनस निरज चप्रानि

मुखव खुंजानाय बे इभेन्टआव मुलुगनि हौवा आरो आइजो जेभलिन खुबैग्राफोर गिबि खेब महरै भारतआव बादायफैगोन। निरजजों लोगोसे बे इभेन्टआव जेना, रहित यादव, सचिन यादव आरो सहिल सिलवालआबो मुलुगनि बादायारिफोरजों सेलेन्ज होनो जानजि खाफ्रादों। सानसेनि हाबाफारियाव खुंजानो गोनां बे इभेन्टआ वर्ल्ड एथलेटिक्स ए-केटेगरि इभेन्ट महरै खुंजागोन। जेराव इभेन्टआ बेंगालुरुनि श्री कान्तिरभा स्टेडियमआव खुंजागोन। पेरिस अलिम्पिकनि ब्रन्ज मेडेलिस्ट आरो खेबनै वर्ल्ड सेम्पियन जानाय ग्रेनेडानि एन्डार्सन पिटार्सनि अनगायै रिय' अलिम्पिकनि सिल्भार मेडेलिस्ट आरो बारग' वर्ल्ड सेम्पियन जुलियास येग'आबो कानाडानिफ्राय बाहागो लाफैगोन।

लन्डन, 2 मे: फुटबल एस'सिएसन (एफए)आ गिबि जुननिफ्राय इंलेन्डआव ट्रेन्सजेन्डार गेलेगिरिफोरखौ आइजो फुटबल बादायनायनिफ्राय जानगाराव लाखिसिगोन। जेराव बे थिरांथाखौ गोजौसिन बिजिरसालिनि थिरांथा फोसावनायनि उनाव लानाय जादों। जायनि सायाव बिजिरसालिया सासे आइजोखौ समानथि आइनिन सिडाव देहायारि महरै आथोनजों रुजुनायनि उनाव एस'सिएनआबो बेनि सायाव आखाय होदों। मख 'नाय जायोदि, एफएआ सिगां समाव ट्रेन्सजेन्डार गेलेगिरिफोरखौ आइजोफोरनि फुटबलआव बाहागो जालांनो हागोननि बाध्रा फोसावदोंमोन, जायनि उनाव बे थिरांथाया बिजिरसालियाव सेलेन्ज मोन्दोंमोन। एफएनि ट्रान्स पलिसिनि मान



थाखोआव बाइइ टेस्टस्टेसननि थाखोखौ आबुं खालामनाय आरो मेचआव नोजोर लाखिनानै बे थिरांथाखौ गुबुन गेलेगिरिफोरनि रैखाथिनि थाखाय आरो मोजाडै बादायलायनाय मेचनि थाखाय लानाय जादों। मख 'नाय जायोदि, थांनाय 16 एप्रिलखालि ब्रिटेननि गोजौसिन बिजिरसालियाव राय होखांनयनि उनाव बे आयदाखौ लानानै माखासे दान्थे-बिदान्थे

जालायदोंमोन, जेराव जोनोमनिफ्रायनो फैनाय ट्रेन्सजेन्डार आरो जोनोमनि उनाव जानाय ट्रेन्सजेन्डारनि सायाव माखासे दान्थे-बिदान्थे सावरायलायनाय जादोंमोन। हायुंआरि गेलेमुनि सामलायगिरि आफाद महरै बे समाव इउएफए आरो फिफाजों फोसावजानाय आइन आरो गेजेर हायुंआरि फुटबल खात्थिनि सिडाव बेबादि थिरांथा लानायखौ बिजिरसालिया फोरमायदों। जेराव फुटबलखौ

हानाय मानि सुबुंफोरनि गेजेराव समानथाइ थाखोआव बादायहोनो खुंफुंनय जायो होन्ना फोरमायदों। मख 'नाय जायोदि, स्कटिस एफए बर्डआबो ट्रेन्सजेन्डार गेलेगिरिफोरखौ आइजोफोरनि फुटबलनिफ्राय जानगाराव लाखिदों, जायनि उनावनो एफएआबो जानो गोनां 2025-26 सिजननिफ्रायनो बै बादि गेलेगिरिफोरखौ जानगाराव लाखिनाय जासिगोन होन्ना रोखा खालामदों।

भैबभ सुर्याभन्सिआ आइपिएलआव मोनसे एफारियाव हाबनो हादों



गोदान दिल्ली, 2 मे: रजस्तान रयेल्सनि थाखाय आइपिएल 2025 नि सिजनआव मिर्जिथिनि बाइजो ट्रेकजों सोलिदों। जेराव लीग स्टेजनि बादायनाय जोबनायनि सिगांनो हान्जानि प्लेअफ रेसनिफ्राय जायखारानाया रोखा जादों। मुम्बाइ इन्डियान्सनि हेंथायै गेलेनाय मेचआव बे हान्जाया 100 राननि स्करआव जेन्नादों। जेराव बे हान्जानि बलार आरो बेट्समेन मोननैबो बिधिडाव

फेलें जादों। जायनि फारियाव 14 बोसोरनि अपेनि बेट्समेन भैबभ सुर्याभन्सिआबो डाउ-आउट जानानै पेभेलियनसिम गिदिंनादों। बिथाडा आइपिएलनि जारिमिनाव लाइमोनसिन डेब्यु खालामनाय महरै बेबादि उइकेट खोमानांनय गेलेगिरि जादों। बेनि सिगां बिथाडा गुजरट टाइट्सनि हेंथायै गेलेनाय मेचआव 38 बलआव 101 राननि गोदान रेकर्ड थिसन्दोंमोन। बेबादि

थासारियाव मुम्बाइनि हेंथायै बिथानिफ्राय जर'खा मिर्जिथि लादोंब्लाबो 2 बलआवनो बिथाडा आउट जानानै आइपिएलनि 18 बोसोरनि जारिमिनाव सेन्सुरि लानायनि उनाव उननि इनिंसआव 0 रनआवनो आउट जानाय 7थि गेलेगिरि जानो हादों। जायनि फारियाव सुरेश रैना, सेन वाटसन, इशान किशान, युशुफ पाठान, भेन्केतेश आय्यर आरो मार्कास स्टडिनसिआ जायगा मोनो। टी-20 क्रिकेटनि जारिमिनाव भैबभआ दासिमनि गेजेराव डाउ-आउट जानाय 2थि लाइमोनसिन गेलेगिरि जादों। जायनि फारियाव शाह मरिदआ गिबियाव जायगा मोनो। मानोना बिथाडा 2012 आव 13 बोसोर 284 सानआव बेबादि आउट जादोंमोन।

बार्सिलना, 2 मे: 17 बोसोर 291 सान बोसोर बैसोआव लामाइन यामालआ एफसि बार्सिलनानि जारिमिनआव खेब 100 मेच गेलेनायाव बाहागो जानो हानाय बयनिखुइबो लाइमोनसिन गेलेगिरि जानो हादों। बिथाडा इस्टाडि अलिम्पिक लुइस कम्पानोआव इन्टर मिलाननि हेंथायै इउएफए सेम्पियन्स लेगआव बे जाफुंसासनायखौ मोन्दों। बेनि अनगायैबो यामालआ बे मेचआव हान्जानि जानानै गल



सोदों जेराव बिथानि मदतजोंनो इटालियानफोरनि बेरेखायै हान्जाया 3-3 गलआव ड्र' गेलेदों। बेनि सायाव बार्कानि कच हेन्सि फ्लिकआ खौरंगिरिनि मोगा-मोगिआव बे

मेचआव 2-1 गलआव गावसोरनि देरहानायखौ गोनांथिथार फोरमायदों। जेराव यामालखौ बिथाडा सासे गोख्रों गेलेगिरि फोरमायनानै गिदिर मेचफोराव बिथानि गुनखौ नुनो

मोनबाय होन्ना फोरमायदों। मख 'नाय जायोदि, स्पेननि गेलेगिरिआ बे समाव हान्जानि लोगो गेलेगिरि गाथिनि रेकर्डखौ सिमफायदों, जेराव 19 बोसोर 29 सान बोसोर बैसोआव बिथाडा बेबादि रेकर्ड थिसनदोंमोन। यामालनि मुडव बेबादि रेकर्डआ सेभिलानि ला कार्तुजा स्टेडियमआव रियेल माद्रिदनि हेंथायै ग्रेन्ड फाइनलनि उनाव 32थि खेबनि थाखाय ब्लायनफोरखौ कपा डेल रे सेम्पियन्सनि मुकुत गानहोनाय उनाव थिसनजादों। थांनाय दानआव 17 बोसोर 270

सानआव बिथाडा क्वार्टार फाइनलआव एबा उनाव सेम्पियन्स लीगआव गल सोनाय 2थि लाइमोनसिन गेलेगिरि जादों। जायनि फारियाव बजानआ 17 बोसोर 217 सानजों बे फारियाव गिबियाव जायगा मोनो आरो जुड भेलिंघामआ 17 बोसोर 289 सानजों 3थिआव जायगा मोनो। यामालआ बार्कानि जानानै 2 बोसोर सिगां 29 एप्रिल, 2023 आव डेब्यु खालामदोंमोन। जायनि उननिफ्रायनो बिथाडा हान्जानि जानानै गोख्रोडै दिन्थिफुंनो हादों।

अरुणाचलनि अमां ददुमआ सैफ सेम्पियनसिपनि हान्जायाव सायख' जादों

इतानगर, 2 मे: अरुणाचल प्रदेशनि अमां ददुमआ साउथ एसियान फुटबल फेडरेशन आन्डार-19 सेम्पियनसिप 2025 नि थाखाय सायख'जानाय सा 25 भारतनि हान्जायाव जायगा मोन्दों। जेराव बे सेम्पियनसिपआ फैगौ 9-18 मेनि गेजेराव युपियानि गल्डेन जुबिलि स्टेडियमआव खुंजागोन। बिथानि सायख'जानायाव अरुणाचलनि गिबि मन्थि पेमा कान्डुआ गहाम हामब्लायथिहरदों, जेराव बिथाडा ददुमनिसिम इयुन गोजोननि हामब्लायथि हरदों आरो हान्जानिसिम जाफुंसार टुर्नामेन्टनि हामब्लायथि हरदों। मख 'नाय जायोदि, ददुमआ



एएफसि आन्डाक-17 एसिया कापनि थाखायबो 2023 आव सायख'जादोंमोन, जेराव हान्जाया थाइलेन्डआव गेलेहैदोंमोन। 18 बोसोर बैसोनि स्ट्राइकार ददुमआ आइएसएलआव पान्जाव

एफसिनि जानानै गेलेयो। अल इन्डिया फुटबल फेडरेशननि रां दोनथुमगिरि आरो अरुणाचल प्रदेश फुटबल एस'सिएसननि रां दोनथुमगिरि आरो नेहाथारि किपा अजयआ सायख'जानाय उनाव इतानगरसिम

गिदिंबोफिनाय समाव ददुमखौ पल' उरां गाथोनआव बरायहैदों। मख 'नाय जायोदि, अरुणाचलआ गिबि खेब महरै हरिमायारि फुटबल टुर्नामेन्टखौ बान्जायगोन। जेराव बान्जायगिरि भारतआ 9 मेआव श्रीलंकाजों बादायखांनयनि उनाव 13 मेआव नेपालनि हेंथायै गुप-बिआव बादायगोन। मालद्वीप, भुटान आरो बांलादेशनि हान्जाया बे टुर्नामेन्टनि गुप-एआव जायगा मोन्दों। जेराव टुर्नामेन्टनि मोनफ्रोम युपनिफ्राय टप-2 हान्जाया सेमिफाइनलआव सौहैगोन आरो 16 मेआव सेमिफाइनल गेलेनाय हान्जानि देरहागिरिफोरा 18 मेखालि बिमुनि थाखाय बादायगोन।

पाकिस्ताननि जेभलिन स्टार अरशाद नदिमनि इनस्टाग्रामआ भारतआव बेन खालाम जादों

गोदान दिल्ली, 2 मे: पेहेलगामआव उतरखारि गालोबनायनि उनाव भारतआ पाकिस्ताननि हेंथायै गुबुन गुबुन बिथिडाव गोख्रों थिरांथा लादों। बेबादिनो भारतआ पाकिस्ताननि गोबां एथलेटिक्स, क्रिकेटार आरो फावगिरिफोरनि इउटुब सेनेल आरो इनस्टाग्राम एकाउन्टफोरखौबो ब्लक खालामदों। बेबादिनो अलिम्पिक सेम्पियन पाकिस्ताननि जेभलिन स्टार अरशाद नदिमनि इनस्टाग्राम एकाउन्टखौबो मोनसे आइनारि राहाखौ सिमफायनायनि थाखाय



ब्लक खालामनाय जादों। भारतआव नदिमनि इनस्टाग्राम एकाउन्टआव हाबनो नाजानाय सुबुंफोरा भारतआव बे एकाउन्टआ एभेलएबल नड होन्नाय नुनो मोन्दों। जेराव बे

थिरांथाखौ आइनारि राहानि गेजेरजों लानाय जादों। मख 'नाय जायोदि, थांनाय 24 एप्रिलखालि पेहेलगामआव उतरखारि गालोबनायाव सा 26 सुबुंफोरा जिउ खोमानांदोंमोन।

जायनि उनावनो भारतआ इउटुब सेनेलफोरनि अनगायै माखासे सशेल मिडिया फ्लेटफर्मआव माखासे थिरांथा लाबोदों। जर'खायै हावतआरि रैखाथि आरो नख'यरि गोजोननि थाखाय बे थिरांथाखौ सरकारआ लादों। खौरानि बादिल्ला, पाकिस्तानजों लोब्बायाव थानाय गोबां इउटुब सेनेलफोरखौ भारतनि रौनियाफोरनि रैखाथि आरो इसिडारि नख'रैखाथिनि थाखाय बेन खालामदों। जायनि फारियाव माखासे क्रिकेटारफोराबो भारतआव सशेल मिडियानिफ्राय बेन खालामजादों।